

## SCRIPT OF EVENING GOJRI NEWS BULLETIN 15JAN 2026

1700HRS

ایوننگ گوجری نیوز بولٹین 15 جنوری 2026

\*\*\*\*\*

یوہ آکاشوانی جموں بے نصرت چودھری تے محمد سفیر تیں خبر سُنو۔

\*\*\*\*\*

### HEADLINES

- ۱۔ مرکزی وزیر داخلہ گا سیکرٹری گووند موہن نے لیفٹینٹ گورنر منوج سنہا تیں ملاقات غے دوران جموں کشمیر غی حفاظتی صورتحال ور تفصیلی گل بات کی۔
- ۲۔ وزیر اعلیٰ عمر عبداللہ غی وزیر خارجہ ایس جے شنکر تیں ٹیلی ور گفتگو مانہہ ایران غی صورتحال ور تشویش تے جموں کشمیر غا طلبا غی حفاظت غو مطالبو کیو گیو۔
- ۳۔ چیف سیکرٹری اٹل ڈلو غی جائیزہ میٹنگ مانہہ ہمہ گیر سماجی تحفظ تے کمزور طبقات غی دیکھ بھال ور زور دتو گیو۔
- ۴۔ پونچھ پولیس غی جانب تیں پاکستان مانہہ مقیم دہشت گرد بینڈلز غی جائیداد ، عدالت غا حکم غی تعویل ور ضبط کی گئی۔
- ۵۔ محکمہ سیاحت غا زیر اہتمام بھدرواہ مانہہ سرمائی میلہ 2026 غی تیاریاں غے تحت 17 تے 18 جنوری نانہہ موسیقی ، مہم جوئی تے ثقافتی سرگرمیاں غو انعقاد وے غو۔

\*\*\*\*\*

### HOME SECY LG MEET

مرکزی وزارت داخلہ گا سیکرٹری گووند موہن نے اج جموں مانہہ لیفٹینٹ گورنر منوج سنہا غے نال ملاقات کی تے حفاظتی صورتحال ، دہشت گرد مخالف کاروائیاں تے حفاظتی انتظامات غی تیاریاں ور تبادلہ خیال کیو۔ آکاشوانی جموں غا نمائندہ غے مطابق ، گووند موہن دو-روزہ دورہ ور جموں آیا وی ہیں۔ گزشتہ روز اُنہاں نے ایک اعلیٰ سطحی میٹنگ غی صدارت وی کی تھی جس مانہہ پہاڑی علاقان مانہہ حفاظت ، مجموعی امن-وامان غی صورتحال ، دہشت گرد مخالف کاروائی تے سرحدان ور ڈرون غی دراندازی غو جائیزو لیو گیو۔ اج سویرے داخلہ سیکرٹری نے لوک بھون مانہہ لیفٹینٹ گورنر تیں ملاقات کی ، جت اُنہاں نے جموں کشمیر مانہہ حفاظتی کاروائیاں تے ترقی تیں متعلق اہم امور ور تفصیلی گل بات کی۔

\*\*\*\*\*

### CM EAM

وزیر اعلیٰ عمر عبداللہ نے دسیو بے جے اُنہاں نے امور خارجہ گا مرکزی وزیر ڈاکٹر ایس جے شنکر سنگ گل بات کرغے ایران مانہہ بدلتی صورتحال غے پیش نظر اُت موجود جموں کشمیر غا طلبہ تے دیگر رہائشی لوکان غی سلامتی بارے یقین دہانی حاصل کی بے سماجی میڈیا سائٹ ایکس ور پوسٹ کرغے وزیر اعلیٰ نے اظہار کیو جے وزیر خارجہ نے زمینی صورتحال گو جائیزو تے تحفظ بارے تیار کیو جاریو منصوبو اُنہاں سنگ سانجھو کیو۔ اس سلسلہ مانہہ ایران مانہہ موجود طلبہ تے دیگر افراد گا تحفظ بارے اقدامات ور وزیر اعلیٰ نے وزیر خارجہ گو شکریو ادا کیو بے۔

\*\*\*\*\*

## CS SWD REVIEW

چیف سیکرٹری اٹل ٹلو نے سماجی بہبود محکمہ غی ایک جامع جائیزہ میٹنگ غی صدارت کی۔ اس میٹنگ غی دوران کمشنر سیکرٹری، سماجی بہبود محکمہ نے محکمہ غی کارکردگی، اہم سرکاری سکیمیں غا نفاذ، مالی صورتحال، بنیادی ڈھانچہ غی ترقی غی آئندہ ترجیحات ور تفصیلی گل بات کی۔ اس جائیزہ مانہ سماجی بہبود محکمہ غی تحت کم کرن آلا ڈائریکٹوریٹس، مسن ڈائریکٹوریٹس، مشاورتی بورڈ، کارپوریشنز غی قانونی اداراں غی کارکردگی وی شامل تھی۔ میٹنگ مانہ جامع ترقی، خواتین نانہ باختیار بنان، بچاں گی فلاح و بہبود، غزائی تحفظ غی کمزور طبقات گا سماجی تحفظ واسطے جاری کوششاں نانہ آجاگر کیو گیو۔ آئندہ غا لانہ عمل ور زور دیتا واں چیف سیکرٹری نے حکومت غا تمام محکماں غا باہمی اشتراک، ڈیجیٹل فلاحی نظام، روزگار تیں جڑی امداد غی ہمہ گیر سماجی تحفظ ور زور دے۔

\*\*\*\*\*

## JMC SANITATION

یوم جمہوریہ غی تقریبات تیں پہلاں کہر غی شہری ترقی محکمہ غی کمشنر سیکرٹری مندیپ کور نے جموں مونسپل کارپوریشن غا کمشنر ڈاکٹر دیوانش یادو غی ہمراہ وارڈ نمبر 34,35,36,37 غی 38 غو دورو لاغے صفائی غی ناچائیز تجاوزات غو جائیزو لیو اس دوران دواں افسراں نے تمام علاقہ مانہ صفائی ستھرائی برقرار رکھن غی ہدایت کی انہاں نے ناچائیز تجاوزات مخالف سخت کاروائی کرن ور وی زور دتو تانجے گڈیاں لاریاں غی آمدرفت نانہ آسان بناویو جاسکے اس بارے ذرائع ابلاغ سنگ گل کرتا واں جموں میونسپل کارپوریشن غا کمشنر نے اس طرح کہیو۔

\*\*\*\*\*

## PROG ANN

علاقائی خبراں آلو شعبو آکاشوانی جموں قومی سڑک تحفظ مہینہ 2026 غا موقع ور 25 منٹ غو ایک خصوصی پروگرام 17 جنوری 2026 نانہ نشر کریں گا اس خصوصی پروگرام غو موضوع سڑک تحفظ زندگی غو تحفظ رکھیو گیو بے یاہ خصوصی نشریات 17 جنوری 2026 نانہ تہاڑی گا 2 بج غی 30 منٹ ور نشر کیو جے غو اس خصوصی پروگرام مانہ مارا مہمان وین گا جناب فاروق کیسر جے کے پی ایس جہیڑا ٹریفک پولیس دیہی علاقہ کٹھوعہ، سانبہ، راجوری غی پونچھ غا ایس ایس پی ہیں غی وہ سڑک غی حفاظت بارے موضوع ور اپنی قیمتی رائے غی تجربا سانجہ کریں گا۔ پروگرام غی میزبانی کریں گا مارا انکر وجے بجاج۔

\*\*\*\*\*

## PROPERTY ATTACHED

پونچھ پولیس نے عدالت غی ہدایات غی مطابق دہشت گردی غی خلاف سخت قانونی کاروائی کرتا واں پاکستان مانہ مقیم ایک دہشت گرد غی غیر منقولہ جائیداد نانہ ضبط کرلیو بے۔ ضبط کی گئی جائیداد 10 کنال غی 14 مرلہ غی زمین بے۔ جہیڑی خسرا نمبر 491 غی تحت تحصیل منڈی، ضلع پونچھ مانہ واقع بے اس جائیداد غی مالیت تقریباً 22 لکھ 5 ہزار روپیہ لائی گئی بے۔ یاہ جائیداد عبد اعزیز

ولد احمد لون ساکن چمبر کناری ، تحصیل منڈی ضلع پونچھ غی ہے جہیڑو اس وقت پاکستان مانہ بیس غے دبشت گردی غی سرگرمیاں غی رہنمائی کر رہیو ہے۔ ملزم جد تیں مقبوضہ جموں کشمیر مانہ فرار ہو چکو تھو ، تد تیں بھارت غی سلامتی تے خود مختاری غے خلاف سرگرمیاں مانہ سرگرم ہے۔

\*\*\*\*\*

## WINTER CARNIVAL

جموں کشمیر محکمہ سیاحت رواں مہینہ گی 17-18 تاریخ ناں اس سال گو بھدرواہ سرمائی میلو منعقد کر رہیو ہے جس غی تمام ترتیاری مکمل کر لی ہیں اس میلہ مانہ موسیقی تے ثقافت غی نمائش غے علاقہ مقامی سیاحتی مقامات ناہے وی فروغ لبھے غو یاد رہ جے اس میلہ گے تحت 17 جنوری ناہے بھدرواہ ، گل ڈنڈھ مانہ پروگرام منعقد کیو جے غو تے 18 جنوری ناہے پس اڈھ تے بھدرواہ مانہ میلو منعقد کیو جے غو جت مقامی فنکار رنگ برنگی ثقافتی پیش کش غو مظاہرو کریں گا ، اس بارے مزید جانکاری دینا واں محکمہ سیاحت گا جانیٹ دائریکٹر اعجاز قیصر نے اس طرح کہیو۔

\*\*\*\*\*

## BASANT PANCHAMI MELA

بابا بالوجی مہاراج غا مزار متھوار مانہ سالانہ بسنت پنچمی میلہ 21 تیں 23 جنوری توڑی منعقد وے گو۔ ڈپٹی کمشنر جموں ، ڈاکٹر راکیش منہاس نے آن آلا بسنت پنچمی میلہ غا انتظامات غو جائیزو لین واسطے مقدس مزار غو معائنو کیو۔ معاینہ غے دوران ڈپٹی کمشنر نے متعلقہ محکمان گا افسراں غے نال تفصیلی میٹنگ کی تے انہاں ناہے ہدایت دتی کہ عقیدت منداں واسطے ٹریفک مانہ آسانی ، حفاظت گا انتظام ، صفائی ستھرائی تے ضروری سہولیات ناہے یقینی بناویو جے کیونجے ضلع غا مختلف علاقاں تے قریبی علاقاں تیں بڑی تعداد مانہ عقیدت مند ، میلہ مانہ شرکت کرن واسطے آئیں۔

\*\*\*\*\*

## GANDHI SHILP BAZAR

محکمہ صنعت تے تجارت نے اج جموں ہاٹ غا مقام ور نمائش و فروخت بارے گاندھی شلپ بازار غو انعقاد کیو ہے یاد رہ جے مزکورہ نمائش بازار آئیندہ 21 جنوری توڑی روزانہ سویرے 10 بجے تیں شام 7 بجے توڑی لگے گو۔ آکاشوای جموں گا نمائندہ غی اطلاع غے مطابق گاندھی شلپ بازار منعقد کران غو مقصد کاریگراں ناہے برائے راست اپنی تیار کردی چنیز بیچن تے گاہکاں سنگ بات چیت کرن غو موقعو فراہم کرنو ہے تانجے بہترین آمدنی ناہے یقینی بناویو جاسکے۔ اس موقع ور ملک بھر تیں قریباً 40 ماہر کاریگر شرکت کر رہیا ہیں جہڑا کپڑا ، لکڑی تے دہات غی دستکاری غے علاقہ مٹی غا برتن تے زیورات غی نمائش کریں گا۔

\*\*\*\*\*

## AGRI DEPT RAMBAN

مشن پیووا 2.0 ایسو قدم ہے جس غو مقصد زرعی شعبہ مانہ نوجواناں ناہے باختیار بنانو ہے اس مشن غ تحت تربیت بھارت تے مالی معاونت غے ذریعے زراعت تے اس سنگ چہریا دیگر شعباں مانہ کاروبارہ صلاحیتاں ناہے فروغ دتو

جے تانجے سرکاری سکیمان گو فاندو گرائیں مستحق لوکان توڑی پُجے حال ہی  
مانہہ ضلع رام بن مانہہ یووا وانی 2.0 غے تحت فصلان تے جدید ٹیکنالوجی بارے  
اک پروگرام منعقد کیو گیو۔ نوجوانان واسطے یووا وانی 2.0 جیسا کیمپ جدید  
زراعت ماحولیات تے آفات سنگ نمڑن  
تے سرکاری سکیمان بارے عمل مہارت فراہم کراویں اس بارے مزید بولتاں وائ  
ضلع زرعی افسر رام بن کلدیپ بسن نے اس طرح دسیو۔  
\*\*\*\*\*

## WEATHER

جموں کشمیر مانہہ سردی غی لہر لگاتار جاری ہے، کشمیر مانہہ برف جمع دین آلی  
ٹھنڈ ڈرج کی گئی، جد کہ جموں غا بعض علاقان مانہہ ڈرجہ حرارت انتہائی کھٹ  
رہیو جس غی وجہ سنگ معمول غی زندگی متاثر ہو رہی ہے۔ آج سویرے جموں گا  
میدانی علاقان مانہہ گئی تھنڈ چھائی رہی جس غی وجہ تین گڈی غی آمدرفت متاثر  
ہوئی۔ تے 16-17 جنوری غے بشکار اچا علاقان مانہہ ہلکی بارش تے برف باری  
ہو سکے۔ اس بارے مزید گل کرتا وائ محکمہ موسمیات غا افسر فاروق احمد بھٹ  
نے اس طرح کہیو۔  
\*\*\*\*\*